

Гулҳаё АШУРОВА

«МАЖБУРИЙ НУС

БАХТ ТИМСОЛИ

(Шеърлар)

«Andijon nashriyot-matbaa» МЧЖ
2012 йил.

Ўзбекистон Республикаси Аxbарот-Суроғаниш ва Сўраш-Сўраш Ўзбекистон Республикаси

УДК: 821.512.133-1

ББК 84 (5 Ўзб) 7

А - 98

- Ҳас. ағаб

А-98. Гулҳаё Ашурова. Бахт тимсоли. «Andijon nashriyot-matbaa» МЧЖ, 2012 йил, 32 бет.


Ушбу тўпلامдан ижод оламига кириб келаятган Гулҳаё Ашурованинг бир даста шеърлари урин олган.

Ёш ижодкорнинг ёшлик сурури билан ёзилган шеърлари Сиз азиз мухлисларга манзур бўлса ажаб эмас.

Ю 40240
091.

ISBN 978-9943-331-83-9

© Гулҳаё Ашурова, 2012.
© «Andijon nashriyot-matbaa» МЧЖ, 2012.





ОРЗУЛАРИ УММОН ҚИЗ

Гулҳаё Ашурова илк мактаб чогидаёқ шеъроятга қизиқади. Унинг дастлабки шеърлари туман газетасида чоп этилган.

Гулҳаё она-Витан, табиат гўзаликлари, инсоний меҳр-оқибат мавзуларида қалам тебратар экан, туйгуларнинг мусаффо суръатлари, оҳанглари, жилвалари қозозга гўзал нақшлар бўлиб битилади.

У Қува туманидаги “Надимий” номли ёш ижодкорлар тўгарагининг фаол аъзоси. Шеърлари “Гулчехралар”, “Карвон кўнгирози” каби республика газеталарида чоп этилган. Фаргона вилояти ёш ижодкорларининг республикада нашр қилинган “Ҳайрат булоқлари” жамоа тўпламида унинг ҳам шеърлари борлиги барчани қувонтиради.

Гулҳаё Ашурова “Камолот” ЁИХнинг фаол аъзоси сифатида туман, вилоят миқёсидаги тадбирларда, танловларда муваффақиятли иштирок этмоқда.



Ўзбекистон телерадиокомпаниясининг “Ассалом, Ўзбекистон!” кўрсатувида ўз шеърлари билан қатнашиб, мухлислар эътиборини қозонди. Ёш шоира қизимиз Гулҳаё Ашурова келгусида жамиятимизнинг илгор аъзоси, иқтидорли ижодкори бўлиб етишади, деб ишонч билдирамиз.

Зухро АЛИЕВА,
Ўзбекистон Ёзувчилар
уюшмаси аъзоси, шоира.



ВАТАН

Умид чашмасидан сув ичиб бахтли,
Бугун орзуларга тутилдим асир.
Назокат меҳридан яралган тупрок,
Бағрида муҳаббат кургандир каср.

Унга меҳрим баланд, ишқим юксакрок,
Қаср. Юрагимда жойлашган макон.
Онамдек бетакрор, онамдек кўркам,
Онамдек меҳрибон онажон Ватан.

Ним табассум қотган гўзал чеҳралар,
Хушчакчақ кулгулар жонимга оро.
Кўзларда порлайди ишқий туйғулар,
Ишқдан яралгандир аслида Дунё.

Қалбида муҳаббат жо этган тимсол,
Кўксимда битта гул илдизи отган.
Гулнинг тимсолида асли бир маъно,
Юрак деган гулнинг илдизи Ватан.



ҲАЁТ ГҶЗАЛ

Воҳ! Шунчалар гўзал кўринар олам,
Ҳаётга боқаман, тўймайди кўзим.
Оҳ! Тоғлар бағрида яшнаган лолам,
Сен асли ўзимсан, сен асли ўзим.

Мискин юзлар, гўзал нигоҳлар аро,
Лабларимда кезар майин табассум.
Бунчалар чиройли бўлмасанг Дунё
Хафа бўлмоқликка кўймайсан бир зум.

Кўйнингда очилган эрка кўнгил шод
Ҳаяжон ичинда ҳисларим менинг,
Шунчалар гўзалсан ажойиб ҳаёт!
Энди мен чиройинг бўламан сенинг.



БАХТ ТИМСОЛИ

Бахтнинг тимсоллари қаерда, она?
Айта қолинг, улар қайда мужассам?
Шу эрк деган элим водийлари ҳур -
Соҳир наволари найда мужассам.

Ҳар кунинг тўй сенинг, ҳар онингда бахт,
Саҳроларингда бахт, ҳар шомингда бахт.
Ўзбекистон деган ўзи бек юртим,
Номингда бахт сенинг, ҳам шонингда бахт.





ОТАМ


Бизга меҳр берган меҳрибон отам,
Юзида шодликнинг чизгилари бор.
Ғамни орқалаган хушзабон одам,
Кузда ҳам қалбида яшнайти баҳор.

Чопонида бордир заҳмат меваси,
Фурурдек мустаҳкам жойлашган улар.
Кувончдан баландроқ кувонч шеваси,
Борлиққа шиддату юксалиш тилар.

Беддаги белбоғи ордан тўкилган,
Инсоний ришталар боғлаган уни.
Пешона теридан меҳнат тўкилган,
Эзгулик қилмоққа шайдир ҳар куни.

Дупписида бордир муҳаббат нақши,
Меҳр кийгизгандир отам бошига.
Юзда кулгу қотган шиддати тошқин,
Жаннат илоҳ сочар еган ошига.

Ҳалоллик отамдан ибрат олади,
Теран нигоҳига ўрнақдир олам.
Дунёлар ичинда мангу қолади,
Бизга меҳр берган меҳрибон отам.



ФАРҒОНАДАН АХТАРИНГ

Меҳрин кўшиқ қилиб куйлаган,
Элнинг ғамин олиб куйлаган,
“Водий гулшан” дея сўйлаган,
Таваккалдек хушнаволарни
Фарғонадан ахтаринг.

Сўзларига Дунё қолган лол,
Сочларидай узун мажнунтол,
Кўкдан тушган ердаги ҳилол,
Сўзлари дур ул Зухроларни
Фарғонадан ахтаринг.

Билими зур, жаҳонда машҳур,
Борлигида акс этар шуур,
Истиклоли, истиқболи хур,
Илмпарвар кўп зукколарни
Фарғонадан ахтаринг.

Тасаввури улкан бир китоб,
Юзларида порлайди офтоб,
Устадирлар «гап деса қоп-қоп»,
Юсуф кизик сўз бурроларни
Фарғонадан ахтаринг.

Ёт эмасдир маърифат хадис,
Фарзандлари зур шоирнафас,
Гўзал юртин куйлагай ҳаргиз,



Энахону¹ Марҳаболарни²
Фарғонадан ахтаринг.

Мусаффо, тоза тонгларни,
Танавордек куй-оҳангларни,
Нурга тўла садо, бонгларни,
Мармар каби соф хаволарни
Фарғонадан ахтаринг.

БИР ҲОВУЧ ТУПРОҚ

Тупроқ - яралган жисмим,
Шу тупроқда илик харорат.
Бир ҳовуч тупроқни кўзимга суртиб,
Кўзимда жонланар илохий ҳайрат.

Ниҳол новдалари кўкка интилиб,
Тупроқдан узолмас бир дам кўнглини.
Бир ҳовуч тупроқда меҳр тафти бор,
Орзу оламига бошлар йўлимни.

Бир жисм, бир юрак, бир ҳовуч тупроқ,
Одамзод умрининг асос ўзаги.
Асли шукур айтар юракда титроқ,
Шу эмасми, ахир, менга кераги.

Ватан – асли буюк ўтканлар хоки,
Мустажоб кунларда муқаддас излар.
Гурурга қоришган Ватан қолади,
Бир ҳовуч тупроққа айлансак бизлар.

¹ Энахон Сиддиқова, шоира.

² Марҳабо Каримова, шоира.




БУЮК БАХТ

Бу юртнинг қуёши сўнмагай асло,
Бу тупроқ буюклар юртидир азал.
Бу юртнинг тафтидан гуллайди Дунё,
Бу юртга муҳаббат баридан гўзал.

Бағрим чаманзорга айланган гўё,
Ҳар бахтим гул бўлиб очади куртак.
Қаршимда покликка бурканган диёр,
Аслида буюк бахт шу бўлса керак.

Самовий софликдан сурур улғаяр,
Кўксим фалакларни чорлар дафъатан.
Кулгичимда қувонч, гурур улғаяр.
Нигоҳларим сари ўсмоқда Ватан.

Аслида буюк бахт шу бўлса керак.





ОНАЖОН

Кўзимни очганда сизни кўргандим.
Баъзида маъюсим, эркамсиз онам.
Сиздан яшамоқни кўриб ўргандим,
Дунёда тенгсизим, яккамсиз онам.

Пок оқ сутингизга меҳрингиз кўшиб,
Ичдирдингиз қалбда кучли хаяжон.
Кулсам кулгичимда жонингиз яшар,
Дунёни аллалаб суйган онажон.

Кифтгинамга кўнган хумосиз онам,
Бошига меҳрдан рўмол ўраган.
Мен учун энг буюк дунёсиз онам,
Сиз менга Худодан умр сўраган.





БАҲОР

Сахарлар шивирлаб айтар охиста,
Окшомлар тонггача кузатар шодон.
Кўнгил боғларининг тароватидан,
Гуркираб гуллайди туйғулар бу он.

Тоғнинг эркатойи анвойи лолам,
Кафтимда қирмизи очун намоён.
Бойчечак лабида пичирлар аста,
Бахтдан гуллаб кетар ҳар тараф, ҳар ён.

Мафтун этди мени беғубор ҳислар,
Қалбимда ўзгача ҳаяжоним бор.
Ёзнинг оловини солиб юракка,
Муҳаббати билан элтмоқда баҳор.

Гулнинг яноғида ажиб бир туйғу,
Хурлик нашидасин сеҳрин тилайди.
Танимга сигмайди муҳаббатларим,
Бодом гулларида ишқим гуллайди.



АЁЛ

Ҳаётнинг хуснидир “Энг азиз аёл”,
Унда оқиллигу меҳр мужассам.
Тунни ёригувчи кўкдаги хилол,
Кунни ёритолган сеҳр мужассам.

Эгнида сержило муҳаббат харир.
Товланиб туради куёш нурлари.
Ул ой канизаги, ойнинг қизидир,
Борлиқнинг энг ёрқин заррин дурлари.

Кўзидан хаёллар аста мўралар,
Сўзида орзулар тиник ва бисёр.
Шаҳдо гўзалларим, ойим оналар,
Гулгун чехрасида бетакрор баҳор.

Фарзандга жонини тортик қилади,
Болам деб яшайди ҳамиша аёл.
Дилларга ҳуррамлик олиб киради.
Дунёни асрайди фаришта аёл.

Кунни ёритолган сеҳр мужассам...





“МУСТАҲКАМ ОИЛА ЙИЛИ”ГА

Шаффоф орзулар ила,
Янги йилни кутдик биз.
Такрор шукур айтамыз,
Янги йилга етдик биз.

Одимлаб бормок зарур,
Улкан режалар сари.
Меҳр берайлик доим,
Худди Куёш сингари.

Юртбошимиз айтади,
Мустақиллик омили.
Янги йилни атади,
“Мустаҳкам оила йили”

Ушбу йилда барчамиз,
Аҳил- инок бўлайлик.
Оилалар тотув бўлсин,
Дўсту ўртоқ бўлайлик.

Жамиятнинг негизи,
Оила ҳисобланур.
Шунинг учун янги йил,
Шу мавзуда аталур.

Фарзандларнинг шодлиги
Ота-она бахтидир.
Асли мақсад ҳам шунда,
Бахтиёрлик аҳдидир.

Бахтли оила қурайлик,
Гўзал жаннатмаконда.
Мустаҳкам оилалар
Бизнинг Ўзбекистонда.



НАВОИЙ БОБОМ

(Илк ёзилган шеър)

Шоир Навоий бобом,
Олим Навоий бобом,
Ўз тафаккури билан
Элга танилган бобом.

Бизга мерос колдирган,
Куй, ғазал бўстонларин.
Яхшиликка чорлайди,
Ўқисак дostonларин.

Файласуф бобом менинг,
Авлиё бобом менинг,
Ҳар сатри кўзларимга
Тўтиё бобом менинг.

Дилларда сақлагаймиз,
Унинг шеъру дostonин.
Эъозлаб яшагаймиз,
«Шеър мулкининг султони»н.



2012/452	Alisher Navoiy
17 A 9367	nomidagi O'zbekiston MK

БУВИЖОНИМ

Дуогўйим бошимда тожим,
Юзга кириб юринг илойим,
Умр берсин сизга Худойим,
Бувижоним, соғ бўлинг доим.

Сизни йўқлаб келди гулбаҳор,
Сочингизда бодом гули бор,
Баҳор чоғи тилаклар бисёр,
Бувижоним, соғ бўлинг доим.

Юрагингиз бўлмасин хаста,
Митти дилим сизга пайваста,
Гулҳаё киз сизга жон баста,
Бувижоним, соғ бўлинг доим.



ТУН

Япроқлар суҳбатин бошлайди аста,
Шаббода тинглайди уларни хушёр.
Чирокнинг нуридан кўзи тинган ишқ,
Атрофга аланглар, кезмоқда хушҳол.

Чиройин ойнадек сойларга солиб,
Аксини жилвакор зарҳаллар ўрар.
Отамнинг йўлини ёритар қувноқ,
Даладан етаклаб келяпти ўйлар.

Яна чигирткалар чириллаб қўяр,
Оқшом палласининг гувоҳи бўлиб.
Капалак гулга бош қўйганча балки...
Нафосат боғида қолгандир сўлиб.

Токлар кучоғида узум шодаси,
Оромин бузгиси келмайди гоҳо.
Томири тупрокқа қоришган юксак,
Мўжиза, ҳайратдир бу кўҳна Дунё.

Самода порлайди, чакнаб туради,
Буюклар тимсоли, буюк юлдузлар.
Бўйнига тумордир, балдоқдир унга,
Ойдин кечаларда туш кўрар қизлар.

Алладан уйқусин топар болакай,
Унинг онги уйғоқ, юраги уйғоқ.
Тонгни кутиш учун эртага шодон,
Туннинг елкасига бош қўяр Қишлоқ.

ЎЗБЕК ЎҒЛОНИ

Юртнинг ифтихори, ишончи сизлар,
Сиз ўзбек фарзанди, тинчлик посбони.
Ҳавас-ла боқади кўкда юлдузлар,
Матонат конидир ўзбек ўғлони.

Мадҳингиз куйлайди хурлар,
Таърифлар оламнинг жумла-жаҳони.
Ботиру паҳлавон, марду жасурлар,
Эзгулик элчиси ўзбек ўғлони.

Қалбда Ватан меҳри тўлиб тошади,
Амалда исботлар тинчдир ҳар они.
Фурури юксакдир, тоғдан ошади,
Темурбек издоши ўзбек ўғлони.

Юртим деб яшайди насли Алпомиш,
Донғи кетган шонли халкнинг достони.
Эркесвар инсонлар сизга минг олқиш,
Комиллик тимсоли ўзбек ўғлони.

Асрайсиз эзгулик, тинчликни ҳар дам,
Сиз борсиз, мусаффо юртим осмони.
Сизни ардоқлаймиз, ардоқлар олам,
Ватаним фаҳрисиз ўзбек ўғлони.



ИШҚИМ ЎҒРИСИ

Сен ҳозир неларни ўйлайсан тунда,
Балки эшитилар сенга сўзларим.
Сенга боқиб туриб ўрганмаганда,
Сенга боқиб турган қаро кўзларим.

Оқшом шамоллардан хабар келади,
Дилингда асраган изҳорларингда.
Юрагим гулларга тўлиб кетади,
Гулларга бурканган баҳорларингда.

Нафасинг нафисдир сенинг азизим,
Ишқимдан ёрилгай Қува анори.
Бўйнимдан кучоқлаб олгандир бугун,
Сен жўнатган ўша Соғинч тумори.

Шеъримга кўмаман сен дея битган,
Энг эзгу тузилган битикларимни.
Сенинг меҳринг билан гуркираб ётган,
Эркалаб қўяман ўрикларимни.

Нима қилай ахир юрак қўймайди,
Сени ўйламайман ҳеч ҳам тўғриси.
Нима қилай, ахир, кўнглимда бўлсанг,
Сен энг тўғридирсан ишқим ўғриси.

Ишқим ўғриси...



СЕВМАЙМАН ДЕМАНГ

Менга ширин гаплар айтдингиз,
Гоҳи айтган сўздан қайтдингиз.
Энди мени севмайман деманг,
Мени мафтун этган ўзингиз.

Сизга севги оддий ўйинчок,
Юрагимни бергандим шу чок.
Энди мени севмайман деманг,
Ёниб ўчган, сўнган шамчирок.

Севгингизни сочимга бойлаб,
Сизни дедим ўйламай-ўйлаб.
Энди мени севмайман деманг,
Майли, кутай сизни минг йиллар.

Изҳорингиз қададим дилга,
Юрагимни бермайман ўзга.
Энди мени севмайман деманг,
Ошиқ бўлиб яна бир гулга.

Энди мени севмайман деманг,
Мени мафтун этган ўзингиз...





СОҒИНИБ БОРМАЙМАН

*Телбадай ёқтириб Иқболни,
Қачондир соғиниб келасиз...
Иқбол Юсуф*

Соғинчни сиз асло билмайсиз,
Йўлларингиз кутиб толмайман.
Сиз мени соғиниб келмайсиз,
Мен сизни соғиниб бормайман.

Сочимдан узунроқ соғинчим,
Билдирмайман сизга ҳеч қачон.
Сизга кўринмаслик менинг овунчим,
Излаб бораманми,
Айтингчи, бу он?

Ялиниб борайми ёш билан,
Севгимни дастурхон қилайми?
Наҳотки, қиз бола бош билан,
Мен сизни соғиниб борайми?

«Тўпори йигит»сиз ва лекин,
Сиз мени ахтариб келмайсиз.
Шудирда, энг катта муаммо,
Соғиниб келишни билмайсиз.

Кутасиз бугунми, ё эрта,
Мен сизни кугтириб толмайман.
Аммо, эшитволинг, гап битта,
Мен сизни соғиниб бормайман.



Ишқим баён этсам сизга
Дунёларга сиғмайди ҳеч.
Олам ила изҳорларга
Наволарга сиғмайди ҳеч

Нигоҳимни асир олиб,
Нелар келар бу бошимга.
Сиздек гуллаб баҳорлар ҳам,
Яшнаб турар бу қошимда.

Офтоб юзли офтоб ойим,
Жаҳонимни нурлатади.
Гулдан бунёд бўлган гулим,
Юрагимни гуллатади.

Муҳаббат ҳам, рўёлар ҳам,
Сиздан олгай зўр андоза.
Сиз бахтмисиз, омадмисиз,
Паризода ё Ҳурзода.

Ишқингизда Гули Ҳаё,
Дунёларин куйлар сизга.
Юрагин торларидан
Наволарин куйлар сизга.

Шаҳло қараш, кўзлар аро,
Меҳр билан боқасиз-ей.
Гулдек нозик, сарвиқомат,
Менга жуда ёқасиз-ей.

АРАЗ

*Шунчалар қийинми,
сувга чиқмогинг?
Иқбол Мирзо.*

Юзимда табассум, кўнгил хавотир,
Сувсираб кетмоқда менинг томоғим.
Уйда акам бордир, не қилай ахир,
Шунча қийиндир, сувга чиқмоғим.

Сизни Куёш кўрсин, кўрсин тупрок ҳам,
Унчалик қийинмас сиздан тонмоғим.
Аmmo битта зорим, кўрмасин акам,
Шунчалар қийиндир, сувга чиқмоғим.

Ўчок менга қараб кикирлар гўё,
Мен уни самога келар осмоғим.
Шу дам қоронғудек кўзимга Дунё,
Шунчалар қийиндир, сувга чиқмоғим.

Қайсарсиз, тушунинг мени бир бора,
Қалбимни қийнайди «Сув»нинг қийноғи.
Сабр қилинг, албатта, топаман чора,
Шунчалар қийиндир, сувга чиқмоғим



СИЗ ЎШАМУ...

Сиз ўшаму...

Жисму вужудимни титроққа солиб,
Менинг хаёлларим телбалар этган.
Ширин ўйларимни фироққа солиб,
Сизни кутаман деб кутмайин кетган.

Сиз ўшаму...

Ўша... Дунёларим Дунё айлаган,
Кўзимга кўзини чизгунга қадар.
Қалбга кишан солиб, шеърга бойлаган,
Хабар олмаган ҳам, бермаган хабар.

Сиз ўшаму...

Соғинчни билмаган соғинчи чексиз,
Ширин сўзларингиз ростми ё ёлғон.
Яшашдан маъни йўқ, маъно йўқ сизсиз,
Кутиб гирён бўлдим, энтикиб гирён.

Сиз ўшаму...

Илк тароватин қўмсаган баҳор,
Юракдан ёрини асраб жонидек.
Фарғона томонда мендек Кумуш бор,
Сиздек ошиқ танҳо, танҳо Отабек.





БЕГИМ

(Зайнаб номидан)

Бугун висолни-да ҳижронлар ютиб,
Сарсон ишққа асир этдилар мени.
Айбим, нетай, севиб-севилмаганим,
Саробларга ташлаб кетдилар мени.

Чин дилдан суйганим қалб ардоғимда,
Юракдан бегим деб айтганимда ҳам.
Муҳаббат кўзимни кўр қилган чоғи,
Гирдобига тортди ўшанда алам.

Гул эдим, бир зумда япрогим хазон,
Ўзга гул чаманда атрин сочарди.
Бегим... энди сизга етмоғим гумон,
Нафрат ишқ ханжарин қалбга санчарди.

Не қилай, кўнглимни кўндиролмадим,
Сиздан ўзгасига кўнмасди курғур.
Ўзга ҳаётни ҳам ҳавас қилмадим,
Қайғуга ботмонлаб ботмоқда ғурур.

Лекин муҳаббатим сиз учун чексиз,
Ҳар лаҳзада сизни келади кўргим.
Айбим нетай севиб-севилмаганим,
Бегим...
Бегим...
Бегим...



МУНДАРИЖА

Орзулари уммон киз	3
Ватан	5
Ҳаёт гўзал	6
Бахт тимсоли	7
Отам	8
Фарғонадан ахтаринг	9
Бир ховуч гупрок	10
Буюк бахт	11
Онажон	12
Баҳор	13
Аёл	14
“Мустахкам оила йили”га	15
Бахтли овоз	16
Навоий бобом	17
Бувижоним	18
Тун	19
Ўзбек ўғлони	20
Оя	21
Ишқим ўғриси	22
Билмам... ..	23
Очун узра орзуларим бор	24
Севмайман деманг	25
Соғиниб бормайман	26
Ишқим баён этсам сизга	27
Араз	28
Сиз ўшаму... ..	29
Бегим	30



Адабий-бадний нашр
Гулҳаё АШУРОВА
БАХТ ТИМСОЛИ

Мухаррир
Техн. муҳаррир
Мусаҳҳих
Саҳифаловчи

Нусрат Абдусалом.
Минура Мирзакаримова.
Нигора Тожиматова.
Ҳамиджон Парпиев.

Ноширлик лицензияси АІ № 175. 11.06.2010 йил.

Босмахонага 2012 йил 6 июнда берилди. Босишга 2012 йил 7 августда рухсат этилди. Бичими 84x108 1/32. Ҳажми 1 босма табок. Нашриёт табоғи 0,8. Times New Roman гарнитураси, офсет қоғози, офсет усулида чоп этилди. Буюртма 1529. Адади 200 нусха. Баҳоси келишилган нарҳда.

«Andijon nashriyot-matbaa» МЧЖ босмахонасида чоп этилди.
Манзили: 710000. Андижон шаҳри, Навоий шохкўчаси, 71-уй.